



Foto: Damir Kobilic

Serija lingvističkih predavanja **ČOVJEK – JEZIK – SVIJET**

Seriju lingvističkih predavanja ČOVJEK – JEZIK – SVIJET organizira Centar za bosanski, hrvatski i srpski jezik Filozofskog fakulteta Univerziteta u Sarajevu. U toku 2022. godine u okviru serije održat će se 7 predavanja. Predavači su lingvistički eksperti iz Bosne i Hercegovine i inozemstva. Cilj je serije promocija lingvistike, razmjena iskustava te osnaživanje međunarodne akademske saradnje.

Predavanje 2/7

Ismail Palić: Koordinacija

Sažetak

Koordinacija je sintaksička relacija u kojoj su povezana dva ili više elemenata jednakoga sintaksičkog statusa. Osim što je naziv za vrstu relacije, koordinacija je naziv i za sintaksičku strukturu ustrojenu na toj relaciji. Tako u sintaksi postoje dva osnovna tipa struktura: (a) strukture zavisnosti, odnosno subordinacije i (b) strukture koordinacije. Uz to se još ostvaruju strukture suplementacije (suplementi) kao svojevrсна spona između spomenutih dvaju tipova, ali one su perifernije. U tradicionalnoj gramatici koordinacija se uglavnom razmatra kao relacija strukturno nezavisnih klauza koje tvore složenu rečenicu. Ostale koordinacije gotovo su u potpunosti zanemarene. U teorijskoj sintaksi koordinacija je dosta dobro istražena pojavnost, no bez dovoljno saglasnosti o tome kako ju je najbolje razumijevati i analizirati. U ovom razmatranju koordinacije se analiziraju kao konstrukcije bez glave sastavljene od dvaju ili više konstituenata – koordinata. Pažnja se posvećuje klauzalnim (rečeničnim) koordinacijama, ali isto tako i svim preostalim tipovima potklauzalnih koordinacija. Neka od glavnih tematskih pitanja o kojima će biti riječi jesu: struktura koordinacija, koordinatori i slične jedinice, semantički okvir koordinacija i koordinata, opseg (mogućnosti) koordinacije, semantički tipovi koordinacija, bazične i nebazične koordinacije i dr.

O predavaču

Ismail Palić redovni je profesor na Odsjeku za bosanski, hrvatski i srpski jezik Filozofskog fakulteta u Sarajevu. Objavio je dosada veći broj radova iz područja lingvističke bosnistike, posebno sintakse i semantike. Autor je pet knjiga: *Sintaksa i semantika načina* (2007), *Dativ u bosanskome jeziku* (2010), *Rasprave iz sintakse i semantike* (2015), *Genitiv, prostor i prostorne slike (leksikon prijedloga)* (2016), *Gramatika, semantika i pragmatika rečenice* (2019) te suautor još dviju: *Gramatika bosanskoga jezika* (2000) i *Rječnik bosanskoga jezika* (2010).

Vrijeme: 13. 5. 2022. (petak) u 11.00

Pristup: meet.google.com/edf-oyxf-wqb

Jezik predavanja: bosanski

Voditelj projekta: prof. dr. Halid Bulić (halid.bulic@ff.unsa.ba)